



1 4
1548
26





楸花盒詩附錄

浦西寓舍雜詠

有序

吳縣葉廷琯調生

寄跡華涇載更裘篋凡所見聞涉歷輒成短句
藉遣旅愁事非一類言非一端地亦非一處畧
加詮次錄之得詩六十四首題為雜詠云

長夏倉皇一舸浮離鄉遠向浦西投七年鴻爪重來印

幸免王尼露處愁

庚申四月二十三日自吳門北鄉徙
避外孫陳壽筠同來邀留居其寓舍

挈家往歲避兵塵梁孟同為質庶人此日傷心思舊侶

牛衣獨染淚痕新

癸丑夏余家先寓法華八月避滬城
亂遷華涇張宅居兩月乃歸吳門時

荆人尚在今已
下世四年矣

楸花盒詩

附



龐居士尙餘嬌女白樂天原有外孫骨肉相依家破後
淒涼燈火話吳門余挈適顧孀女同來外孫卽壽筠也

香溪宰樹痛摧殘馬礪新塋土未乾老弱驚魂何處避

兵烽照徹墓門丹潰川先塋樹數百株聞皆被伐亡婦葬漁莊橋僅半載耳

風鶴仍從近地驚五旬兩度陷茸城可憐峯泖佳山水

一任橫驅草木兵五月十三松江陷旋收復六月廿六日再陷踞

寇深直逼滬城隈不戰何緣萬騎回驅淨妖氛聲一震

開花夷礮果如雷七月初賊撲上海南西二門甚銳兵勇皆斂手不戰初六日夷人助兵以

落地開花礮連擊之遂被創而退

客裏重逢唱董逃輕裝小艇意蕭騷夢中誤聽軍聲至

忘却秋江半夜濤初三夜宿江渚舟中聞潮聲甚急時將避兵浦東

飄然襍被浦東遊偶作平原十日留小港觀潮場坐月

何心延賞異鄉秋居浦東農家金氏屋十日仍返華涇

百步橋西梵宇開江流到此勢滌洄佛家自有修羅劫

法雨難消兩殿災龍華鎮瀕黃浦以龍華寺得名寺規模甚宏賊火焚其二殿

黃浦航船有定程去乘潮落返潮生風帆轉過龍華渚

一埕依依管送迎各鄉鎮航船日赴上海朝北暮南視潮信遞爲早晚每月惟十二廿六兩

日航船不出以落潮過晚船不能歸耳

一條黃浦劃西東百里人烟指顧中畧似岷江分兩戒

波濤直接海天空黃浦水南過華涇關港口卽迤西行西南百餘里至浙江平湖縣界始盡

東北過上海縣城外五十餘里至寶山縣界吳淞口入海

平生五嶽探奇興到此難尋數似山蠟屐裏糧全不用

一邱時引出柴關上海四境無山寓舍之東有土阜尚可登眺

獨上東皋意曠然平蕪環顧四圍圓天清日射龍華塢

江闊煙飛鬼子船東皋卽寓舍東土阜

相業春申重楚邦萬年水利一條江姓名卽其江流永

足壓三公子盡降黃浦一鑿水利無窮原嘗徒爲豪舉卽信陵善用兵亦無實惠貽後世也

小橋閒步過清溪古跡流傳不可稽我本無心希二陸

恰逢時鳥隔林嘯聽鶯橋在華涇之北相傳爲平原兄弟遺跡

酒瓶犒士積如山晉代遺踪蔓草間爲語壺頭諸將帥

亟圖飲至策勛還北橋在華涇南二十里晉袁崧曾駐軍其地有土阜名瓶山傳其下爲犒

軍酒罌積累而成今諸軍逗留不進故以馬伏波之困於壺頭況之

滬瀆兵災首水仙一時壁壘受鋒先南朝內史能完節

華胄遙遙更象賢晉吳國內史袁崧築壘以禦孫恩後殉難於滬瀆咸豐三年秋紅頭之變

攝上海令小村袁公祖惠亦被難公爲錢塘簡齋太史收冢孫蘭村明府通之子也

烏泥涇塞久無波蕪國曾經戰艦過想像風帆蘆荻外

錦袍玉貌倚瑀戈烏泥涇宋時所開韓蕪王曾於此過兵故道在今華涇北久淤塞華涇卽

別名也

隆興年贖舊精藍殿廢僧殘久罷參欲問蒼涼天水事

金仙無語掩塵龕甯國寺爲宋隆興年建在華涇北里許山門大殿已北石柱數株猶峙曠

林花盦寺附

野僅存苑殿三椽奉佛一僧居
之曾再過訪求建寺碑記不得

銀杏雙株植宋年三林古物足留連故鄉亦有千年樹

劫火深愁玉化烟浦東三林塘崇福道院銀杏二株為宋濬熙時物今春往遊喬柯清蔭洵

為大觀境及故鄉積善西院宋梅近日恐已推為薪矣

我來首訪最閒園也願傭丁避世喧何處先民舊邱壑

一灣廢港繞頽垣元末詩人王逢自江陰移家烏泥涇自稱最閒園丁名其山曰先民一邱池

曰先民一壑約畧其地在長橋鎮之南

家家屋後竹千竿滿地清陰夏亦寒始悟辟疆園徑入

吳門此景自來難浦東西人家屋後無不種竹成林碧雲滿徑望之生涼我郡絕無此景昔

王子猷不問主人逕入看竹為願辟疆所可殆亦以有竹人家不可多得也

荒池老屋襲園稱聞說高人卜築曾只有籬邊僵立柏

滄桑前見此園興劉氏廢園是明末所遺尚存開闢草堂三間其地仍稱花園頭

勝國防倭事已遙江關久廢僅存橋而今斥候應重設

舳艫常虞駛兩潮華涇在明時遭倭寇蹂躪今關港關橋明人於此設卡防遏遺跡猶存近

日南路寇氛漸近似亦宜在關港口設兵巡哨舳艫船見宋史李全傳全所造以寇宋者

寒潭霜落潦猶瀦閒看溪童竭澤漁一樣桔槔忙竟日

晚來獺祭共分魚田苑港以夏率種魚冬深耳水澗塘摸魚分食亦農家樂事也

春風紅徧萬桃花十里江波映海霞何必論堪避世

看花我欲暫移家龍華鎮以北數里沿浦居民皆以種桃為業花時如在畫圖

此方佳果等仙桃褚少孫曾選譜勞我憶分甘鄉味美

綏山雖食不能豪水蜜桃為上海著名土物乾隆時邑人為序之我家洞庭東山佳果中亦有此桃今被寇躡欲致無由也

老農語莫作常聞地利須從地勢分高處種花低種稻

秋來曰雪間黃雲花不喜溼高則瀉水易也稍惟畏旱低則戽水便也

花田婦女劇艱辛忙月時時更乞鄰幾度隴頭過笠影

捉花人即脫花人花田事歸婦女夏月翻泥去草為脫花即農之耘也秋月掇鈴取棉為捉

花即農之穫也皆需笠以蔽日

浦東佳布例稱尖紡織工須細潔兼僥倖丁孃遇朱老

百年聲價為詩添朱竹垞曝書亭集有丁孃子布詩當是游上海時所作百年前浦東尚有

丁家尖之名疑即其後人所織價值他家之布

卉服曾輸夏后供棉花從古產吳淞讀書莫誤尋夷島

此地揚州本舊封禹貢島夷卉服系於淮海揚州是島夷即指今吳淞濱海諸處在三代之

初已藝花織布矣余於捉花補吟注中曾論之

紉雲組霧敵蠶絲被織厓州賴導師仰食禮宜崇報賽

舊祠今更建新祠王逢梧溪集黃道婆祠詩序云道婆歸紡棉織厓州被自給教他姓婦不倦被更烏溼名天

下仰食者眾及卒鄉人為立祠詩中有厓州布被五色

縑組霧紉雲粲花草句據此知道婆所織乃有花被料

非一切布概是其教織也棉之處故通行於貴賤貧富

且器用之然亦有必宜用棉之處故通行於貴賤貧富

道婆禮宜報賽聞長橋北有祠地甚偏仄歲時遇各鄉

幼女學紡織間往拜禱餘則絕無人過謁者年久祠宇

傾敬香火間寂今惟上海南門內

有祠屋稍宏敞蓋近世所建云

林花齋詩

附

五

少日曾披子建文近從甥館訪遺聞憂時讜論今尤亟

封事何人得似君童時誦上海曹謁庭先生制義後知

臣益嚮慕之華涇劉氏為其婦家末第時常居此

惜無遺跡可訪矣先生諱一士著有四焉齋集

宏獎風流舊宰官卅年吳下冷騷壇堯峯倘有歸來鶴

城郭人民忍再看先外舅錢塘陳雲伯先生諱文述嘉

著有頤道堂集寓吳既久沒葬堯峯山麓

此鄉悵失老劉郎遺箸堪登作者堂十載晉遊詩一集

邊雲塞月滿奚囊華涇素少詩人近推劉書樵副貢汲

今來得見其晉遊詩一卷容山西學幕時作清蒼俊逸

不愧唐宋名家聞雜文亦工惜已佚矣老劉郎三字見

歐公戲贈劉原父續婚詩書翁亦老年續娶故用之

人生癡願總難諧七十思親不去懷夢裏晨昏詩一卷

補天石欲借皇媧上海王花農明經廷銓見示癡願詩

親之事自序有夢裏晨昏句蓋孝子思親無已之苦心也

愛花爭說隱君陳歐碧新開異樣春莫是老鰥天意憫

司香遣作綠衣人陳蘭齋明經炳陸隱居滬城西郊藝

株尤奇蘭齋失偶後花自娛佳種羅列今春開綠牡丹一

真讀書人賊亦欽織塵不使講帷侵黃巾知避康成里

漢季儒風又見今仁和勞季言司訓格家塘棲累代富

戒其徒謂此讀書人家母驚之入書室取架上卷帙觀

之曰聞此家多藏秘籍何此皆非善本殆移匿他處耶

季言人素篤實貽札自述其事當非虛語

賣卜垂簾為避兵詩翁踪跡學君平布衣賜第他年事

一集莎湄字字清

青浦布衣金二溪熙齒七十七外避兵來寓江關余訪晤之讀其莎湄居詩

兼晚唐南宋妙境並嫻星學喜為人談命

時危延訪貴虛衷為國求才在此中怪爾汪黃餘習在

上書人豈是陳東

此紀青浦金曼鴻明經玉上書事曼鴻即二溪令嗣詩亦承其家學

避災夜向阿師投大寺曾偕信宿留廿載交情從此歇

詩魂冷葬太湖秋

老友覺阿開士祖觀庚申八月二十一日化於太湖中衝山余四月八日

與開士分手於光福銅佛寺遂成長別念之悽然

良友他鄉慰索居誓收秘籍劫灰餘如何遽返鄉媿地

拋擲遺編飽蠹魚

仁和胡心耘擬欲廣收已散之書辛酉夏費志而歿遺書且莫保矣

文人命薄易消磨夷館三年一刹那贏得夜臺誇舊侶

奇書海外讀來多

江甯管小異嗣復癸丑陷賊得出乞食來吳余與定交夷人合信氏延之

墨海善館校書三載脩脯頗厚所見西洋秘籍甚多庚申冬沒於杭州惜哉

家藏萬卷散如烟客裏從誰借一編閑讀方書消旅寂

古賢我學陸忠宣

忠宣謫居忠州時集古方書五十篇以濟人余則但藉以破寂耳

潦倒名場任墨磨畫成醉後博長歌醉翁若在今難畫

觸目殘山剩水多

王蓬心太守宸山水冊十幀醉後為史赤厓明經誦芬作赤厓題醉太守

歌畫作於乾隆五十八年正海內承平之日平湖湯氏所藏避難攜至浦西余得寓日焉

豈有人如識劍雷蟄龍飛跋怒濤開斬蛟刺虎憑誰用

遇我殘年惜爾材

黃浦漁人網中塞得一刀鋼及銅鞘製甚異蓋夷刀也余買藏之

烽火滿目萬民愁幕府初間展一籌三百夷兵新退賊
又看諸將敘從優
遠無偵探近無巡似此行軍太率真擊懈搗虛多設伏
知兵豈必卽奇人
使船如馬最能軍八槳凌江舊策勲失馭便成蛟鱷類
須防牙爪漸生雲
爲籌兵饌亟抽釐山果園蔬概不遺纔是野人芹獻罷
鄉間兵過徧瘡痍
將權從古誤書生天意甯成豎子名鄉邑任教如破甑
避兵異地尙談兵

新立嚴關米市塘譏奸無暇且征商客愁萬斛儂方載
津吏來時願罄囊

女閭三百設齊都小白曾資啟霸圖聞道捐輸除妓館
一端政體勝夷吾

劫餘書畫尙多完狎客恩門藉博權何似榷場南宋置
廣收名跡輦臨安

南面臨民聖所論軍門北嚮體難尊豈因李益詩遭謫
望闕心明戀主恩

羽扇難揮四境塵從容談藝且怡神元戎夾袋收何物
半是書林畫苑人

誰言吏治近來難亂世人偏遇好官不負師恩甯負

國須知古誼出忠肝上海令松巖劉公郇膏河南太康人我郡許達泉進士源宰魯山時

分校所得士公至吳存郵其家甚厚宜其居官卓著循聲也

宗袞名高殉楚氛鄂城我昔辦香焚卅年珂里重憑弔

幾輩書生解報君吾宗忠節公諱映榴上海人順治辛丑進士康熙戊辰官湖北參議

道殉夏包子之難郵贈工部侍郎賜謚廕子余昔遊武昌曾拜公祠下

使星往歲照東瀛早見雞林仰盛名一品集煩重譯讀

香山爨嫗屬書生三年前松岑尚書花沙納公奉使來滬城夷人購得其詩集刻本屬寶山

蔣君敦復以夷語譯之寫寄其國較白傳事更奇

無端平地鬱嵯峩傑閣飛樓蜃氣多此是海東真海市

暢觀惜不遇東坡東坡詩以得見海市為快然猶蜃氣

設使東坡見之不結成須臾即散今之夷場則真境也

知更當作何語

畚鍤西郊集萬工紅兜劫塚事相同冬青義士今如在

欲拾寒瓊計亦窮夷場昔年築館多掘人墳墓為之骸骨狼籍不顧近開西馬路亦然元時

楊髡發宋諸陵恐無如是多也寒瓊指骨見宋人詩

慧芒見滅兩旬經推測羣言總杳冥應識九重脩省

密為民請命祝長星辛酉六月下旬有星孛於斗度光甚長漸退而南歷半月餘乃隱

秋宵鳥語有餘淒百里驚傳眾聽齊惆悵今無邵康節

天橋誰辨杜鵑啼八月十九夜小雨空際有聲啾啾如鳥鳴歷三刻許方止同時數十里內

皆聞之不知何兆

梨花盃詩

附

九

歲殘聞警更移居風雪爭趨北郭廬今日桃源何處問
蜃樓鮫室是鄉閭冬杪浦東全陷城鄉居民及僑寓者大半遷避夷場賃值雖昂不顧因當道與英法二國有會防之議恃以無恐也

雜詠詩 并引

庚申蘇城被陷倉皇出走暫避北郭近鄉越旬
日轉徙華涇逾年再遷滬濱飄流所至每聽客
話近人殉節事無論識與不識各賦一詩誄之
但依所聞先後不以貴賤男女為序共得詩十
六首彙錄一編後又補作四首亦附於末云
元和附生鄒清瑞字祥伯年二十餘庚申四月十

三日蘇城陷挈妻子死於水素忿近時士林少氣
節三月中作落花詩云白骨拌埋芳草地丹心留
照夕陽天蓋死志久定矣

烈士全家視死輕落花句裏見平生三吳誰不談忠節
獨讓鄒郎殉此城

呂立均字壽補子震鏞字聲之皆吳岸生居楓橋
內四月初旬奉大府命督辦鄉團賊至拒戰里門
立均被戕震鏞亦自盡於家或云立均受傷回家自縊死震鏞見父死絕粒七日以殉

三世傳經講塾開賊來巷戰氣如雷死忠死孝心同遂

父子無慚好秀才

長洲馬遠林釗客總鎮熊公天喜幕元和陳梁叔
克家客總統張公國樑幕皆以孝廉敘勞授內閣
中書庚申閏三月大營既潰先後殉二公之難

馬周疏草陳琳檄戎幕爭誇二妙收報 國酬知完我

節盧生往事共千秋 明末長洲諸生盧渭生字涇材上

為記室後隨公殉難揚州馬陳二君里籍既同
文章遭際氣節又相似後先輝映非偶然也

程福生儒家女父歿家貧隨母依戚黨避亂山中
賊來逼之投池中死年才十五耳

名節誰言幼未知程姑拒賊奮投池問年屈指剛三五

皎潔心如月滿時

徽郡庠生吳疆字禹端居歙西石橋邨以才幹著
督理鄉團甚勇丙辰三月率練丁戰死半載前夢
人示以雲騎尉吳疆五字後得卹典竟如所夢

血戰山邨事可悲孤軍難保邑西陲夢中預示褒忠典
神鬼知君誓死綏

護江蘇臬司海甯朱公鈞蘇城初陷不知公所在
後數日城中人請於賊收埋骸骨得一屍井中衣
上鈐按察司官印腰佩晉時微紺色小玉印篆法
奇古不可辨為公平日所寶玩始知公已自盡矣

衣背深鈴臬印丹臨危應恥作逃官廿年結納名場熱
一死忠臣傳裏看

洞庭東山朱子鶴名和義有姬人許香贊本吳苑
曲中人歸朱未久值辛酉二月之變避入山深處
賊搜得之奮臂拾巨石擊賊乃爲賊斫死

名分雖殊節義同蓮花不礙出泥中請看桀石捐軀日
巾幗何慚烈士風

明末梅鼎祚撰青泥蓮花記皆載
妓女之有志行而以節義終者

太湖營副將王公之敬字毅齋奉化人以礮船禦
賊湖中屢敗之辛酉二月朔山中所借滬濱火
輪船與賊通導登山公力戰死有故卒見所畜犬

日嗥於湖濱教場跡得公屍已月餘尙可識乃殮
之犬遽斃

血灑湖山草不春老羆當道竟亡身莫釐峯是田橫島
一犬無慙五百人

蘇州吳省之震曾董城中團練局誓不避賊庚申
四月城陷巷戰死妻死於家弟渭川率眷屬先期
避齊門外祖塋賊擾附郭皆赴水死蓋全家殉難
也

團練身司豈等閒吳生守義屹如山蘇垣差賴增顏色
染徧全家碧血斑

潘氏諸生吳師曾妻夫沒守節十年庚申四月十
二日房族勸同避齊門外范莊祖塋城陷賊將至
赴水死弟鍾瑞客滬城逾年得耗爲撰事略徵詩
未亡人豈避兵塵誓墓心期間水濱弱弟招魂成一慟
女嬃今反作靈均

陳垣弼號星農上海知名士庚申七月督勇守要
隘初四日入城請饗值賊撲城縣令劉公卹膏勸
暫留垣弼言我不出則勇必散時輿夫已遁獨步
出南門遇賊見其足鞞戕之劉公爲請 卹典
饋饗心殷願出城文人慷慨遽捐生鞞刀未拔鞞尖在

爲厲猶堪趨賊營

未句用金史烏珠鞞尖趨城語

管金姑歸安籍候選訓導蘭滋仲女適吳門呂姓
庚申四月某日偕婿避寇至西跨塘寶相寺前墻
被擄金姑卽自沉於河蘭滋余老友寓書來言踰
歲始得女死耗更可傷也

生別離成死別離蠟磯有恨抱臨歧鷗波夫婦真奇福
一樣茗谿管仲姬

元和諸生張時敏女年十五隨父避金山濱四月
十五日賊至畏逼先投水死
韶齡志節凜然存賊手難令着臂捫離父死貞隨父孝

曹娥同死莫同論

上海漕河涇沈月峯兩兄皆諸生月峯獨好武故
為鄉團董事辛酉九月八日出隊救七寶鎮一馬
甚劣眾不能馭惟月峯能騎之奮躍直前諸勇步
不能及遂獨陷陣死
力控生駒去若飛衝鋒身已陷重圍明年兄弟登高日
望斷魂騎款段歸

余家里中袁氏女文珠適吳姓庚申四月避獅山
夫被擄女忍死以待逾月隨翁姑徙洞庭東山不
勝悲怨發病死揆其情實無異當時身殉也

生離何日卜生還夢繞金閨比玉關有恨難填空化石
望夫魂更上東山

無錫鄉間有娣姊三人在家賊先逼其娣大罵不
屈被剖腹死出腸以示二娣皆懼而從之言者為
娣諱惜不肯舉其里族

甯甘剖腹不汗身荆布邨嫗有此人他日通靈憑宛若
豈容先後更相親宛若通靈事見漢書先
後即漢時娣姊之稱

吳門伶人張錦為二淨有名年四十餘庚申四月
十三日賊入其家索洋錢錦以紙裹當十錢二百
與之賊啟視大怒謂其行詐欲殺之張曰我為戲

子何來洋錢汝爲逆賊殺掠爲事我死必爲厲鬼
殺汝罵不絕聲而死

粉墨常塗面作花登場科譚不嫌邪誰知罵賊聲偏壯
雷海青原是一家

詹文照字冠香元和諸生嗜酒日不離杯盞而事
母至孝閉戶授徒三十餘年庚申夏奉母避寇橫
涇賊至其寓母驚惶出門投水冠香罵賊亦隨母
躍入水中

閉門頌酒傲公侯殉母終能蹈碧流冷笑伯倫常荷鍤
但知醉骨瘞山邱

沈樞村名厚田錢塘諸生工筆札館於查氏二十
年丙辰以主簿需次來蘇敘勞薦升縣丞旋丁父
艱以家貧依臬使朱公幕蘇垣將陷幕友家人皆
星散君獨留不去從容語公曰公固有與城存亡
之義縣丞雖卑官亦朝廷之小臣當無事時父
喪尙不克居廬藉公館穀給朝夕今事勢孔亟公
當籌所以禦敵者正大有事在卽或不幸公更有
大事在縣丞已不孝豈敢棄公遠遁復蹈不忠不
義耶越日城破親送朱公成仁後乃別投他井亦
死蓋死綏之志早決矣

林花盒詩
官職雖卑至性誠臨危肯唱董逃行從容殉 國酬知
已不愧忠臣義士名

湖州趙竹生方伯景賢當江浙相繼淪陷後力守
湖城將兩載四圍皆賊營環繞援軍不至迨大錢
口運道梗阻而事危矣城陷被執來蘇忠逆初猶
以禮接之再四勸降公作書力拒語甚激烈遂遇
害 卹贈巡撫 賜諡忠節

孤城困守仗奇才事已艱危志未灰臣節如山臣力竭
甘心飲刃返泉臺

林花盒詩外集

吳縣葉廷瑄茗生

病中摘句懷人詩 并序

病榻無聊偶憶四十年來所見朋舊好詩一聯
一句皆往來胸次不忘而交游之變故人事之
遷流亦不能無感觸因仿亡友王韞齋聞妙軒
詩集中摘句體爲之以寄懷人之思口占率成
不敘齒輩惟先存後沒次第略分其記憶不全
之句則姑舍旃故詩中頗未盡所懷而聞名不
識及不著姓氏者或附及焉凡得七言絕句三
十有二首維時甲寅暮秋蛻廬病隱自識

同邑吳君侶棠 嘉亨 中年好以宮怨體作感懷詩

深得古意嘗因余招入文社見示云感恩也學畫

眉長對鏡沈吟轉自傷龍腦香消金縷暈縐痕難

熨舊霓裳詞旨芬惻無限低徊

憔悴中年黯自傷縐痕難熨舊霓裳如何絕代嬋娟子

竟鎖雙蛾老上陽

歸安管君谷香 蘭滋 夏日有高樹涼歸與酒親之

句小浮山人聞而賞之謂可與崔不雕黃葉聲多

酒不辭相匹因呼為管高樹

高樹涼歸與酒親崔黃葉後此傳人阿誰更賞蘋花詠

悵望汀洲日暮春

谷香有蘋花詩云雨過冷香來一棹日斜秋浦立多時亦神韻悠然

嘉定程君序伯 庭鷺 有句云寒宵詩味清于雪只

許梅花伴一燈乃其貽我寒夜煮茶圖自題作也

寒宵詩味清于雪只許梅花伴一燈畫出枯禪蕭寂意

前身原是藕盦僧

序伯有藕盦夢隱圖又有前身青藕盦僧小影

同邑貝君子木 青喬 客黔時有紀彼中風土詩奇

句甚多記其一聯云啼雨林狻窺枕上吹燈山鬼

出窗前他若雲間鐘磬扶風寺樹杪簾櫳甲秀樓

風格雅近大復猶是內地景色所常有也

啼雨林狻窺枕上吹燈山鬼出窗前夜郎幸遇才人到

奇句天教補謫仙

同邑戈君順卿載王子夏與余多唱和之作有句

云黃流北走衝波急白氣南橫示象真蓋紀當時
所聞見也可當詩史之目

黃流北走衝波急白氣南橫示象真廊廟昇平方獻頌
隱憂偏屬草堂人

震澤俞君子駿岳嘗自題畫扇見貽云秋禊湖邊

客未還笠東半載草堂閒關心舊事君應記倚閣
同看郭外山

一舸松陵昔往還笠東愛汝草堂閒舊遊何日重攜酒

倚閣同看郭外山

吳江徐君冶伯晉錄因其友某生不謹于行畢命

園扉哭以詩云青史才人多失足白堤春水太無
情某常居山塘水榭故有白堤一語妙在可解不
可解之間

才人失足竟捐生良友傷心淚欲傾但覺眼前皆恨事
白堤春水太無情

覺阿開士祖觀佳句甚多獨愛其持論明確與時

事有關者一語云召亂都由愛國心蓋為林少翁
初泄粵東時禁煙而作真千古定評也

林在齋詩
方外憂時識獨深名臣功過細推尋機關一語能題破
召亂都由愛國心

長洲毛春門先生鼎亨余師也初官京師時寄示

辛未歲暮書懷詩云釣竿只憶江鄉好持謝螭頭
橐筆人恬退之性蓋自通籍之始已然也

釣竿只憶江鄉好持謝螭頭橐筆人冷淡朝官似公少
廿年宦海一身貧

吳江趙君竹盦桂生已丑秋初訪余時得句云松

林煎水期清話野艇迴燈入暝煙君後薄宦蜀中
卒於邊徼

款廬訪我更投箋野艇迴燈入暝煙誰料一官西蜀去
詩魂終古落蠻天

寶山印君印川康祚以七言短古爲余銘研有句

云石林之孫抱石癖因余素有奇石之好也君爲
人幽靜孤介亦復如石之可愛

石林之孫抱石癖屬語人真如石奇今日石交難再得
移將袍笏拜君宜

太倉顧君子雨晞元丁亥春餞余楚遊贈句云江

路雲山隨處好故園花木別時難惜別留連之況
宛然心目而君已下世數年矣

江路雲山隨處好故園花木別時難年來愁向黃壚過始覺離筵意向權

烏程范白舫先生錯和余桃花夫人祠詩自渝州

寄至漢上中聯云竟成千古傷心事那有三年不語時亦主韓詩外傳及列女傳之說也

郵筒遠和表貞詩那有三年不語時祇我客中添恨事忽聞飛檄毀崇祠時學使王公泥于盲左之說謂夫人祠為淫祀竟令毀去

同邑程君賡堂嶺梅于余羈旅漢江時寄詩見懷

句云新秋橘柚愁邊綠小隱芙蓉夢裏紅今日讀之如聽山陽之笛矣

感逝傷離卅載中那堪重檢舊詩筒新秋橘柚愁邊綠

小隱芙蓉夢裏紅余家芙蓉橋嘗自題所居為芙蓉小隱

同邑潘君功甫曾沂嘗書示近作一聯云幾度病

情花指點一春好景雨消磨君晚年閉門養靜臨

終神志湛然自是佛地位人然君固非冥心忘世

者故詩語雖從悟境來而自然情韻纏綿意多惆

悵

幾度病情花指點一春好景雨消磨生天何必無惆悵回首人間事正多

長洲褚君仙根逢椿為余題陳軍門忠愍公遺像

長歌一篇中有句云顧問誰為吳句卑用左傳楚
司馬戍語以紀忠愍臨難顧其麾下劉國標託以
遺骸事也可謂典切

顧問誰為吳句卑長歌即是表忠碑定知地府逢公話
憂國同心各淚垂君與忠愍身後皆有為冥官之說

太倉蕭子山先生掄下榻碧城時以蘇臺懷古詩
示余有句云奇麗山川招敵瞰冶遊風氣自君開
新警為前人所未道

冶遊風氣自君開弔古詩成見史才太息吳民今力竭
任教鹿走併無臺

長洲韋君君繡光徽題明季許元祐中書自昌梅

花別墅圖詠冊云短棹誰尋丁卯宅長歌如話甲
申年墅在角直鼎革後久已蕪廢許氏後人有長
歌紀事

短棹誰尋丁卯宅長歌如話甲申年詩翁身已超塵劫
莫更滄桑感變遷

仁和龔素山先生凝祚少作閩遊後老于幕府嘗

題松鼠啖荔圖一絕云仙荔無端墜一枝風光輸
與鼠先知而今飽啖官倉粟那及紅雲下咽時

幕府才人懶散姿感懷偶寄畫中詩而今飽啖官倉粟

那及紅雲下咽時

錢塘陳君小雲

襄之

有題張船山太守集一律句

云酒邊心事慈烏泣劍外家山杜宇聲澄懷堂集

中未刻此詩殆以語涉譏刺耳後小雲旅沒漢皋

正與船山卒于吳門一轍良可慨也

酒邊心事慈烏泣劍外家山杜宇聲末路正堪同一哭

未須花月誤平生

可憐花月誤平生亦君題船山詩句也船山之滯留固非為耽花月若小

雲則又為名利所羈耳

同邑朱君條生

榆

有蘆花詩和查又山侍御

元佩

原韵一聯云茫茫誰喚英雄起頭白江湖已幾年

侍御嘗於頤道先生酒座稱之謂同時和者二百

餘家以君詩為最佳而君詩又以此二語為絕唱

一時頗為同人推許

玉樹長埋宿草阡蘆花人尚誦遺篇茫茫誰喚英雄起

頭白江頭已幾年

同邑趙君禮甫

嘉亨

已卯秦淮旅舍誦其與大婦

姬人錄別詩云臨歧囑別無他語珍重三人兩字

同朋儕皆艷稱之

珍重三人兩字同閨中情語誦來工美人名士今黃土

艷福清才一例空

同邑程君修之沂梅詠蘋花句云涼波靜夜江妃

影斜日汀洲柳暉詩二十年前同社作也今君亦

賦玉樓三載矣

涼波靜夜江妃影斜日汀洲柳暉詩吟侶於今半零落

空餘佳句耐人思

同社印川條生知生亦久謝世所存惟序伯谷香與余耳

同邑蔣君黼庭承志癸酉元夕立春有詩示余云

春仍無恙經年別月未知愁特地圓君少美容儀

風流自賞詩亦喜作靡麗語

春仍無恙經年別月未知愁特地圓一代風流人早逝

色空應已悟塵緣

金溪李君蘭青湘頤道先生詩弟子也與烏程范

白舫明經常客楚蜀間有句贈白舫云垂老江湖

尚著書頤翁極賞之曾鐫此語作小印二分貽兩

君余歸後聞兩君皆終于客中

垂老江湖尚著書耽吟結習總難除詩翁楚蜀同羈旅

歸隱年年約竟虛

同邑王君韞齋汝玉佳句劇多惜皆不能全記惟

王子春見贈一律尚存篋中君沒前兩月作也中

有扁舟曾此泊平橋及探梅還共訪僧寮等句雖

非傑作而雅誼可懷因並采之

扁舟曾此泊平橋
悵絕唵魂不可招
吾向夢中尋舊約
探梅還共訪僧寮

南匯令德某能詩
寶山楊藹人之居
停也述其詠
蘭句云渚冷春回
猶有露山空秋遠
更無人

渚冷春回猶有露
山空秋遠更無人
不圖案牘勞形容
詠到幽蘭句入神

鄰友袁生夜唵

文瀚

嘗隨余訪毛氏清華園廢址

得詩一律其後半云
草長寒廳無客過
春歸廢榭有花飛
朱闌舊日憑臨地
半作民居掩竹扉
詞意蒼涼可供諷詠

荒園同扣竹間扉
歎息清華景盡非
累我微唵欲愁絕
春歸廢榭有花飛

同邑金君子年

孝先

素業賈晚以病廢
耽詩傳其

舊作山塘晚歸句
云露華如雪滿桐橋
殊有清華之氣

山塘煙景晚來饒
歸路唵情倚短橈
不是詩人誰領略
露華如雪滿桐橋

江都縣吏某喜爲詩
以稟就正陳君小雲
最賞其一天涼翠竹
當門之句嘗爲余言之

一天涼翠竹當門
佳句藏曾卅載存
擬取吳淞詩吏配

隔江遙酌兩唵魂

吳淞詩吏鮑熊飛名詞藻見頤道堂集中

漢上離商黃君芳谷

至棠

春日詠海棠追悼故妓

云金屋未營難貯汝玉環已逝更無人語意悽婉
妙無痕跡

金屋未營難貯汝玉環已逝更無人漢皋拾得傷心句
雨泣煙愁滅却春

庚辰春遊西洞庭石公山登絕頂來鶴亭有無名
氏題壁云狂懷欲向山僧說鶴不歸來我不歸字
頗奇偉或傳為仙筆

石壁千尋水四圍孤亭徒倚面斜暉狂懷未肯輸仙客

鶴不歸來我不歸

病少間續得八首

同邑張君子上源達舉拔萃科後公車留別有詩
見示云素衣豈為風塵化貞抱區區誓綠波

貞抱區區誓綠波書生志節定難磨短衣昨賦從軍樂
願掃兵塵譜凱歌君今客揚州戎幕

常熟趙君次候宗建所居為瞿忠宣公東皋草堂

舊址有銀杏樹卓筆峯皆瞿氏故物近以東皋紀
勝圖詠見示徵題其詠樹云旁支柰絕中興望一
木原知再造難於忠宣時事切合尤為警策詠石

云底柱末流心不轉補天殘闕力難操詞意相同
並記於此

旁支柰絕中興望一木原知再造難比似錦城唵古柏
杜陵同此意辛酸

全椒金君子春旺華有幹才久客揚州漢上為嗟

商司筆札長軀偉貌似武士而詩詞特清妙余楚
遊與訂交多投贈唱和之作有句云欲騎黃鶴難
為夢不信青蚨竟有神可想其抑塞磊落之懷矣
今不知其蹤跡

高才惜爾溷風塵不信青蚨竟有神昔日唵壇今戰壘

江湖何處更尋春余昔請君每以尋春相誚

陽湖趙君芸酉申嘉甌北先生文孫也才思宏富

客遊楚督盧公幕府為頤道先生詩弟子辛卯與
余相遇鄂城以秋日襍感詩見示記其一聯云恩
重屢將弓鞬禱愁多頻檢鈿釵看今日重唵一過
又不曾逢天寶宮人矣

恩重屢將弓鞬禱愁多頻檢鈿釵看分明舊事談天寶
惜少琵琶續續彈

淮安蒲快亭進士林嘉慶中教授我郡時以遊郡

西諸山詩見示中一首云山寺霞光撲面迎丹楓

林花盦詩 外集

萬樹錦屏橫夕陽返射頻回首惱煞肩輿不倒行
頗能道山遊情景

惱煞肩輿不倒行髯翁善寫看山情儒酸誰解閑遊樂
冷擁青氈過一生

錢塘陳雲伯先生 文述 初見余小試詩文謬荷垂

青許忝甥館贈詩云下筆春蠶未肯休風塵逸足

騁驂騶淮陰自擅無雙譽温嶠何妨第二流 時余

居第二 此日讀書更萬卷他年待汝定千秋莫教

人說微雲壻更向天衢出一頭迄今衰白無成徒
呼負負此詩頤道堂集中偶遺未刻故謹志之

温嶠何妨第二流贈言期許媿難酬一從拔宅仙翁去

壻水人今亦白頭 先生身後眷屬無人故以仙

人唐公房拔宅留壻比之 舊藏清微道人墨蘭小幀前寓碧城時所見貽也

有自題絕句云綠苔如罽護根泥仙露滋腮放瓣

齊香茗一杯書一卷花間忘却日沈西詩畫皆清

逸有致

花間忘却日沈西想見含情吮墨題身後蘭因應證果

荒林錦樹莫悲啼

昔遊邗上偶過倚虹園見壁間有人題落花怨短

古一篇詞旨悽婉音節纏綿其詩云昨日看花花

何繁今日看花花已落春風陣陣苦相吹吹盡繁
花向林薄林薄深深黃鳥飛高樓思婦淚沾衣却
恨夢中化蝴蝶明駝不見送君歸君不歸兮向何
處滿園春色教誰主去年含淚別城隈今年淚盡
鵲啼樹無那花飛春復春幽情脈脈與誰論落紅
滿地東風惡暮雨瀟瀟獨閉門末語尤覺含情不
盡不知為古人作今人作也數年再過已聖去因
亟存之

暮雨瀟瀟獨閉門忍看狼籍葬香魂飛花莫怨東風惡
頭白紅顏幾箇存

石氏香
梓詩集

石藹士聽雨樓詩

石梅孫葵青居詩

光緒九年十一月吳縣潘氏棻

石氏喬梓詩刻敘

梅孫石丈辱與余爲忘年交最深始余知丈精於文律
教授鄉里力振文風之靡而未嘗自以詩鳴然鄉里中
競稱石氏三世能詩固不可得而掩也遠梅先生清素
堂詩文集久已傳世藹士先生善自韜晦詩不多作作
必精純其聽雨樓詩藁先生歿後梅孫丈始出以示人
爲武康徐雪廬先生所鑒定梅孫丈夙抱梓行之志而
未果今年鄭盦弟奉諱歸重念吾吳鄉先輩遺箸之未
刊者欲爲之流傳既刊朱葉二茗詩因又刊石氏父子
詩爲喬梓集蓋朱先生爲遠梅先生之女夫葉先生有

令子又爲藹士先生之女夫姻婭相交淵源一派四種
竝行皆爲鄉里所尤推重者鄭盦之意誠篤矣清素堂
集梓行已遠天壤間當有留存者茲不重刻觀者勿謂
三世之闕其一也光緒九年癸未十月邑後學潘鍾瑞
謹敘

聽雨樓詩

吳縣石嘉吉藹士

秋日同陳雲樵笠耕昆仲尋吳瘦夫先生墓不得
達觀身世等浮漚此日難尋土一邱數卷文章皆涕淚
全家生死仗交游林空賸有蒼煙滿山暗惟餘落照愁
墓上正當衰草合九原應亦怕逢秋

先生有
人生如
草怕逢秋之句

采菱曲

西風颯颯吹寒塘碧雲如水水氣涼菱角菱花滿波面
紫莖刺短浮根長吳孃結伴蕩雙槳欸乃一聲搖夕陽
鏡裏夫容豔倒影輕羅低拂水爲香望斷前溪煙水濶
碧雲何處是郎鄉郎情願得似明月夜夜清輝照晚妝

德雨樓詩

采罷歸來輕撥棹莫教驚起雙鴛鴦

秋山旅行

山外復青山山山積翠環萬重秋色裏匹馬遠行還人
影斜陽下蟲聲敗葉間雲中雞犬在投宿叩柴關

戲效西崑體

消息殷勤託紫鸞相思縹緲碧雲端霜凝翠瓦風初冷
花到湘簾月又殘蘭麝常薰雲錦帳明珠不定水晶盤
銀河終古無波浪何事黃姑會面難

冬日泛舟西湖

夙昔殷企慕欣茲身歷境游侶冬日稀獨來契幽靜晨

旭融湖光木落見諸嶺四圍山翠合澄波涵虛影蕩槩
湖中來朔風迎面冷

長隄界明鏡湖光內外通一棹蕩寒碧六橋連彩虹岸
柳如有待想見春時容晨煙散冷翠幽林媚疏紅高峰
峙雲外朶朶青芙蓉悅茲山水趣蒼翠羅胸中

飛來峰

一拳特聳秀削起絕土壤何來鬼斧工怪異空想象中
啟石院幽鑿壁列佛像偃偻入洞行仰睇忽明朗一綫
露微碧天仄不盈丈佳境信神奇流連獨幽賞猿嘯不
可聞滿谷松風響

除夕

除夕他鄉過，凄然對短檠。一樽僧院酒，時屬僧舍獨夜故園情。壁暗燈將燼，衾寒夢未成。遙知闈閣裏，兒女話歸程。

歸來

堂上思兒切，歸來轉泣然。別離纔匝月，時序又經年。游子風霜苦，親心曉夜懸。今朝欣聚首，笑語酒樽前。

讀離騷

誰繼投書弔汨羅，予懷渺渺奈愁何。秋風山鬼窺修竹，空谷佳人戀碧蘿。畫就蛾眉心已妬，鼓殘瑤瑟水生波。古來名士能相假，一卷時攜對酒歌。

與芝泉話鄧尉諸勝擬游不果

春色來天外，香浮萬壑中。不分花遠近，祇覺氣空濛。雙屐何時蠟一尊，未許同還憑。今夜夢飛渡太湖東。

江干早發

江干無更漏，寒雞中夜啼。披衣呼伴侶，起問夜何其。僕夫駕車待發，輒猶恐遲殘月。亂人影曉霜凝，馬蹶拂面朔風寒。游子有餘悲，行行天漸曙。邨落炊煙低，野老起獨早。支筇倚柴扉，晨光散衆鳥。寒蔬滿霜陂，川原窮往復。修垵遵逶迤，日午入村店。拂我身上衣，主人念同鄉。歎曲情依依，爲言當歲暮。碌碌復何之，我感主人言。卻

立重咨嗟祇爲衣食謀況瘁奚敢辭長途望浩渺何時
遂言歸

渡江

布帆一幅趁輕颺入望長空宿霧消千點欲浮瓜步樹
兩山爭扼海門潮飄零歲暮悲歌起浩蕩胸懷濁酒澆
自古難憑天塹險興亡遺事弔南朝

妖鳥行

夜冥冥月陰陰風瑟瑟雲沈沈有聲從空來悽惻傷人
心時止復時作飛飛復若集誰屋淒涼哀婉不堪聽恍
惚有如衆鬼哭初聞意驚疑細聽神寒縮我聞此鳥生

墓間妖異幾同見怪鵬飛鳴所經最不祥門庭旦暮有
死喪是時吾母正病亟醫禱無靈神傍徨一燈慘淡光
如豆星星鬼火明空房屋上鳥聲淒欲絕聞聲更覺心
驚惶爾來亦何爲拊膺呼彼蒼吁嗟乎庭氏弓矢不爾
射鷹隼搏擊不爾傷任爾暮夜城市來飛翔獨不見風
摧巢傾母鳥死子鳥嗷嗷啼不已未盡生平反哺心徹
夜哀鳴似怨爾

渡江望焦山不果登

片帆遙從京口來江波掀舞何雄哉生平雲夢吞八九
到此頓覺胸懷開劃然蒼翠落我眼空中忽現金銀臺

海門奔濤瀉萬里一拳特立空江隈初日杲杲離海嶠
水面湧出紅玫瑰山名猶傳隱君姓江流一去何時回
安得停舟向山足振衣獨上窮崔嵬瘞鶴亭前尋往跡
古碑一讀懷奇才土花繡蝕周代鼎摩挲白晝生風雷
登高憑眺眼空濶江海一氣含胚胎高風千古空想像
遙呼孝然傾千盃柁樓咫尺不得上端如隔水看蓬萊
揚帆竟向瓜州渡名山回首神徘徊勝境相逢未游覽
如余應爲山靈哈

旅中對月

獨客誰與語羈愁觸緒生如何今夜月只向旅人明濁

酒不成醉暮蟬空自鳴鄉書珍重得三復對孤檠

目斷

目斷飛雲天外遙空庭竹樹晚蕭蕭二分明月揚州夜
廿四橋邊獨聽簫

秋庭十詠 存四

秋海棠

垂垂小朶力難支綽約臨風絕世姿腸斷玉階秋色冷
更無人處立多時

黃蘋

名花移得自江濱出水亭亭鬪豔新曾記歌聲來遠浦

德雨婁詩

鷺黃衫子採蓮人

玉簪花

冰霜爲骨玉爲肌
垂暮庭前發數枝
秋雨淒風思遠客
不堪敲斷燭紅時

牽牛花

尋芳獨立短籬邊
翠蕊盈盈挹露鮮
最愛山邨秋曉後
花光遙映蔚藍天

七夕

銀河一片影萬古
此離愁我欲乘槎去
臨風問斗牛
深夜靜雲冷鵲橋秋
脈脈深情在幾曾
歎白頭

廢將

酒酣撫髀起長歎
萬里封侯願竟虛
灞上歸來逢醉尉
湖頭獨往策疲驢
殘宵夢落三邊外
回首魂驚百戰餘
閒把吳鉤燈下看
退耕肯遂事犁鋤

贈劉勉齋

良友論文樂清宵
逸興增殘尊遲夜
月長話聚寒燈意
氣干雲上文章健
筆凌仁看豐羽翻
霄漢任飛騰

抱劔吟

一燈如豆搖殘照
匣底吳鉤作龍嘯
危牀拂拭把劔看
明月忽墮星離垣
壯懷根觸鳴雞警
我作悲歌劔其聽

爾既不能紫氣騰重淵直射斗牛光燭天博物幸邀知
者顧雙飛水底龍蜿蜒我又不能抱爾侯門倚自喜沾
沾銜薄技此生兀傲本性成彈鋏求魚良可鄙嘖嘖今
何鳴不平中宵使我夢魂驚行將挂爾深山裏獨把犁
鋤隴上耕

題天女散花圖

點點紛飛似綵霞翩翩舞袂御風斜游仙願得成佳夢
爲爾天壇掃落花

冬夜有懷

燭影籠虛閣殘杯獨自銜新寒憐翠袖舊恨淚青衫月

落柝聲急雞鳴霜氣嚴伊人眞室邇迢遞達瑤函

西山採梅

空山春意動索笑抱琴來一曲林間奏梅花無數開寒
雲凝碧嶂孤鶴下蒼苔幽絕忘歸去還愁暮色催

虞山舟中遇雨

羣山列屏障青蔥若染黛曉起推篷看終朝欣晤對微
雲一縷生冉冉極變態須臾徧邱壑山形驚破碎前村
認模糊遠樹遞明昧細雨隨風來廉纖洒篷背流水如
我心滌蕩清塵穢

玉蘭花下放歌

德雨婁詩

白雲天半來飛飛墮檐端輕風一夜忽吹散妝成玉樹
圍雕闌臨風影歷亂但覺花光明恍如羣仙朝玉京星
旄月羽空中行明月欲素花晶瑩花間疑有人吹笙瓊
林珠樹眩銀海春霧襲衣香氣清一尊獨向花間酌憶
我看花纔總角展書日就花下來孤榦扶疏剛及屋
戊申歲先大灌溉栽培二十年高枝密蕊欲參天風塵浪
父手植迹韶華過每到花開倍黯然漫道謝家有寶樹階除早
得沾雨露散木豈知植道旁拳曲難邀匠伯顧凌雲有
志更懷慚屏跡巖阿亦自甘手澤摩挲思往事樹猶如
此我何堪

初夏泛舟白隄

七里濃陰接翠微水禽拍拍並低飛蒼茫巒氣蒸新暑
掩映湖光帶夕暉捲幙高樓聞笛起衝波小艇載花歸
招涼最愛荷風過閒拓蓬窗解袷衣

中秋對月

今夜若無月天爲我輩愁宿雲晚來斂萬里澄素秋特
開金鏡滿照我花間樓我持一尊酒獨坐樓上頭涼深
蟲語歇露浥桂香浮邀月月不飲願月且少留良宵恆
苦短不樂復何求神仙固所願未遑服食謀有酒復有
月已作仙山游

題劉勉齋聽簫圖

桂樹團團玉露零西風涼月滿空庭鸞吟鳳吹來雲外
花下牆陰獨立聽
獨來花徑步縈紆嫋嫋餘音聽欲無他日畫樓更倡和
倩人更寫教簫圖
頻年邗水幾停橈月下曾來廿四橋今日披圖重棖觸
不堪回首憶吹簫

古柏行

柏在吳中郡廟相傳為周公瑾所植

老幹拔地凌青雲蒼蒼猶帶古時春風霜閱歷二千載

默為呵護疑鬼神風流雖邈猶留蹟想見當年手植人

當時將相江東美周郎年少猶英偉君臣契合禮遇隆

東歸治舍曾居此瑜自居巢東歸於吳吳主為之治舍相傳此即其故址嘉樹庭

前手自栽凌空枝幹何崔嵬才幹如君誠大器盤根錯

節棟梁材貞堅獨具凌寒操游說空勞敵國猜英風想

像今如在手澤肯教付劫灰變遷第宅悲陵谷今為道院撫

樹低徊增感觸蒼鬱今看羽士家婆娑曾蔭藏嬌屋垂

垂蘿蔓冒枯枝白日颺颺竄空腹法宮春暖映檐青丹

竈煙寒繞樹綠夜半枝頭風雨聲如聞當日人歌曲君

不見錦官城外丞相祠森森曾賦杜陵詩勳業千秋兩

德雨雙詩 九

不朽甘棠同繫後人思

書慰北涯

把酒澆愁愁轉增文章聲價總難憑
悲深局促當轅驥望斷飛揚脫臂鷹
春雨未生三月浪寒宵辜負十年燈
花開花落尋常事不是東風有愛憎

毘陵舟夜

孤舟水宿夜篷背帶霜濃帆落過橋月
風傳到枕鐘寒宵嫌酒薄短夢到家慵
嘹唳南來雁那堪客路逢

雪後登樓懷遠

風雪滿天地梅花空一林含愁遲對酒
微白辨遙岑詩

興虛驢背寒煙淡鶴心美人渺何許
樓外暮寒侵

橫塘竹枝詞

打槳遙從胥浦還帆隨橋轉水迴環
楞伽一塔如鍼小已落船頭指顧間
門前春水漲微波屋後雲山擁翠螺
細雨斜風寒食節畫船載酒往來多
何來竹笛韻偏遙鬪鳴闌邊接小橋
十五吳姬新度曲對人解唱雨瀟瀟
闔閭城外柳枝黃吳孃打槳出橫塘
無數落花飛不盡偏教篷背壓殘霜

題周九齋履平思危圖

古人慎居恒坐亦戒垂堂矧乃事舟楫變起尤非常示
 我思危圖展卷為徬徨聞君涉申浦隨波泛輕航海舶
 艤岸側如林列帆檣巨纜亘水中從橫羅網張舟行觸
 其內禍變難周防帆傾舟轉側乞救勢倉皇人力既莫
 施號呼禱上蒼時危智力生距躍數仞強超身登巨艦
 幸獲免斯歿事後繪為圖回首猶悚惶君子戒懷安涉
 世恒吉康道途多險阻舉步當周詳奚獨歷風濤始宜
 慎行藏乾惕日三省願君矢弗忘

柳絮

著地因風復起撲簾似雪還輕鞦韆院落春晚短長亭

畔午晴

同北涯農生自龍池踰天平嶺至白雲泉

沿山遵一徑身已深山入高步出林杪握衣事登陟巖
 畔野花幽沙際微流溼古洞闕蓮花仙靈不可即破屋
 久塵封繞戶生荆棘山有蓮花洞怪石何崢嶸一一狀奇特
 危如馬飲泉止如鳥戢翼欹如支枕卧端如執笏立苔
 磴不容趾舉步虞傾踣忽復值歧徑徘徊嗟未識我已
 鼓勇登餘子猶伫立偃僂捫蘿行亟然開茅塞數步復
 迷途轉笑予躁急路轉造峰巔豁然舒胸臆下望有僧

盧於焉且少息

自西塘進舟河頭村

楊柳綠不已舟行疑路窮溪迴露深港忽與前村通人家夾岸居環橋綠樹叢停舟傍古渡散步攜短筇村花莫辨名補綴籬間紅年豐俗不擾醅樸存古風雞鳴日已午餉饁雜村童見客衣冠異指示驚未逢東皋臺笠聚胼胝勞三農不惜耕鑿力奚貪造化工風塵謝世人天時測老翁笑問武陵人何似桃源中

吳山廬墓

束縛茅茨翦棘榛結廬窮谷絕無鄰伶仃孤子深宵淚

寂寞南陔舊日春月落墓門啼怪鳥風淒原野閃寒燐

最憐生死交情見今亦空山宿草陳先君子極末葬時權厝庵中京口楊

時庵丈每至吳門必至庵中撫棺慟哭諳諳諭吉以亟宜擇地安葬今亦下世數載矣

摩挲手澤有遺文才藻曾傳日下聞舊學循牆慚繼志

新封抔土對斜曛驚魂尙恨西冷雨先君子以暑日登六和塔遇雨致疾

歸鶴猶隨海外雲骨肉九原如聚首空山應不歎離羣

與九叔父墓接壤

孤懷悵悵欲何之往昔韶光莫可追學業箕裘諸弟少

艱難門戶一身持盤匱已乏承歡願泣涕空懷捧檄思

夜夜夢魂山麓繞百年風水有餘悲

秋日同鳧涇固侯游瑞光寺

一溪秋水度平疋散步城南挈伴雙古寺閒尋黃葉入
暮鐘遙帶冷雲撞香飄寶樹禪心靜響聽松風俗慮降
寂寞講臺殘照裏空懷花雨下經幢

宋時高僧圓宗本說法於此有天

雨曇花諸瑞

水船行

城濠如溝渠舟行如陸地水以載舟舟載水城中水自
城外致篙楫不能施進退俱失次赤髀立水中推之挽
之良非易或以肩承或以臂汲水首尾重易置輕重前
後形軒輕奮呼鼓勇進無多中途忍將強半棄勤苦敢

辭終日勞蒼天早望甘霖賜水中喘立試暫停回首西
山火雲熾

白雲泉諸詠

鸚鵡石

巨石臨徑旁銳出如鳥喙人行出領下俯首猶恐礙笑
我久忘機無言且坐對

玉筍

玉筍迸當階澗竹繞寒煙空亭不遇人涓涓聞流泉誰
與坐莓苔共參玉版禪

茶竈

入門逢僧寮延坐同廊曲竹下煮春泉佳味勝芳醪輕
煙不出山終日林間綠

文信國公綠端蟬腹硯歌 并引

硯修廣各三寸餘受墨處微凹底圓而凸象蟬
腹沿左邊至頂刻謝臯羽銘其文云文山攀髯
之明年疊山流寓臨安得遺硯焉憶當日與文
山象戲譜玉躉金鼎一局石君同在座右銘曰
洮河石碧於血千年不死衰宏骨欸識臯羽二
字行書極瘦乾隆丁未十二月杭州臨平漁者
網得此硯王仲瞿舟過相值以番錢二十得之

後歸曾賓谷都轉

忠魂墨氣久沈抑深潭夜夜蛟龍泣碧血千秋永不磨
綠雲一旦波中出臨平湖邊水茫茫碧波深處漁舟集
龍尾觸網珊瑚碎犀紋騰彩琳琅溼孰爲護持質尙全
題銘未被泥沙蝕背厚面坳形製奇枯蟬碩腹戢雙翼
文士遭逢固有緣手澤摩挲三歎息維公筮仕寶祐年
射策金庭名第一硯田三寸筆如椽慷慨意氣淋漓墨
時危國事歎蝸螳相業閒情鬪蟋蟀立朝苦恨日無多
寇深頻報羽書急一旅勤王奮袂興孤臣九死難迴日
空坑一戰繫南冠北來元鬢悲蕭瑟玉躉山空 公所居
山名

人不歸單騎見賊遭危逼數著殘棊一局終竟成識語

理難測公精於象戲自製弈譜凡四十局始為玉躉金鼎終名單騎見賊石君此日遭

流離輾轉臨安逢舊識一十三字銘厥旁哭石招魂淚

沾臆猶憶象戲譜軍中與君同在信公側參軍亡後復

何歸將毋蹈海甘隱匿神物終有自見時浪打泥蟠不

改色流傳差異玉帶生再拜珍藏謹什襲嗚呼丞相英

靈儼在茲開函不敢輕拂拭想見几旁草檄時墨光慘

淡愁雲黑

雜詩

仁風被六合重輪燭海隅四靈集郊藪德化禎祥符耕

鑿順知識謳歌效蠢愚笑茲田間翁獻曝枕區區懷中

雙白璧價直重名都藉以紅錦段配以照乘珠可為明

禋薦可昭德信乎虹光起櫝中夜夜耀天衢

列闕夾丹霞飛樓星斗纏大鼓搥如雷天門啟洞然仙

吏擁雲車陸離繞祥煙華蓋隨其後霓旌導其前雙雙

白鳳凰對舞何翩翩何來舊時侶停車笑拍肩飲我白

玉漿贈我雲錦箋謂我骨珊珊詩心已雜仙再拜前致

辭神仙非所緣願以壽高堂康強而延年

秋螢篇

金風拂拂吹庭樹幾點殘螢向空度銀燭光寒掩畫屏

珠簾影隔籠秋霧誰人閒倚夜窗幽天宇霜飛水國秋
暮雨池塘尋舊夢薄雲庭院起新愁新愁舊夢難排遣
怕見庭前飛點點弱翅難禁玉露零微光竟被金波掩
寂寥孤館夜沈沈暗度斜飛傍竹陰寒士淒涼初掩卷
美人感歎乍停鍼別有深愁閉宮院悄然閒倚簾櫳倦
徘徊夕殿剔銀燈惆悵長門賦紈扇弔古情懷漫自傷
誰尋遺址劇蒼涼寒煙蔓草荒宮殿碧血青燐古戰場
熠熠深宵飛徧處淒清滿目點秋光秋光徧處真堪歎
坐覺明星三五爛蟋蟀堂空聞暮砧芙蓉池畔沈斜漢
可憐同亮碧檐前可憐度影羅幃畔東風曾記昔時經

高下離離徧遠汀峭倩遙迷千里碧玲瓏映入一簾青
南園春去無消息回首茫茫心惻惻拂樹兼飛落葉黃
映波流照沈雲黑無復騰空力漸微入窗猶自坐人衣
嗟余蕭瑟當秋暮憐爾飄零何處歸

舍旁買鄰屋數椽營書室焉後有小徑通鄰寺桑

園蔬圃境頗幽阻喜賦四章

牆邊恰借綠楊春小築三楹結構新閉戶著書聊自得
放歌縱酒亦天真非山卻喜還非市卜宅何須更卜鄰
手把南華窗下讀大年常願紀靈椿

幽居奚必羨槃阿小院旁通曲徑過東野漫嫌家具少

淵明爲喜素心多風飄落蕊黏香草雨歇殘陽挂碧蘿
皓月當頭盃在手醉來花下自婆娑
後檐低處蔭秋桑牘有寒蟬噪暮涼嵌壁窗紗容月入
過牆藤蔓帶風颺茅龍何事更衣數蕉鹿無勞引夢長
他日還須營隙地窗邊栽徧碧琳琅
陋巷何曾駐客車寂寥差擬子雲居翳桑十畝荒垣外
古木千尋落葉初插架圖書新整頓窺檐鳥雀自容與
晚來鄰寺鐘聲起松頂徘徊上玉螭

題觀弈圖

聞昔採樵客觀局深山裏回頭斧柯爛歸來已非舊鄉

里人間已歷幾春秋只在中瞬息耳一局亦作山中
觀終日如過數甲子優游奚事羨神仙袖手閒憑南郭
几任他風勢急西南緘默旁觀自參擬雞蟲得失不關
心勝固欣然敗亦喜參差松影落棋枰長日空庭漸移
晷立身象外神超超還向環中悟妙理

題瀟湘八景

存四

瀟湘夜雨

天際濕雲浮蕭蕭楚國秋寒江一夜雨孤客亂灘舟斑
竹猶含淚哀猿空自愁曉來湘水望百折漲新流

洞庭夜月

湖光兼月色蕩漾岳陽樓一片煙波裏蒼茫萬頃秋騎
鯨人不作橫笛獨含愁何處君山是依稀象外浮

漁邨夕照

一抹斜陽外孤邨有幾家晚涼喧婦女小市聚魚蝦破
網當門曬垂楊隔岸遮老翁歸路近濁酒挈瓶賒

江天暮雪

一白訝無際吟眸覺皓然村煙沉遠岫雁影沒遙天漠
漠寒雲外蕭蕭野渡邊歸來蓑笠重獨繫釣魚船

夏日同弟芝泉珊林游滄浪亭結草庵

宿慮炎蒸苦恒染塵氛累晨興淨暑氣輕涼差快意結

侶來城南佳游選勝地草深露氣繁林靜蟬吟細浮雲
陰朝曦微風透輕袂緩步旣忘疲臨流且暫憩解衣磐
石閒啜茗回闌際新燕掠波輕細魚依蒲戲有象皆成
賞撫時感默契游覽偕同調清幽亮我志

密樹蔽層石古亭臨迴波尋徑披芳草攀條垂碧蘿水
木湛清華崗巒鬱嵯峨昔賢遭譴謫於茲託嘯歌買地
構林泉築室儼槃阿名流一棲託清芬歷歲多我欲濯
塵纓臨風自吟哦

徑轉入古寺當門潭水橫迴流漾雙塔跨堤駕長鯨堂
空渺僧侶竹疏漏磬聲開軒憑虛曠極目覽空明深林

隱城堞飛雀傍階楹雨氣消薄暑波光含餘清遐想塵
外蹤緬懷區中情息景心頓遠適已物自輕坐彼維摩
室證禪悟無生

雨盡

春愁隨雨盡鎮日掩柴扉獨鳥有時下閒雲不定飛
吟生計拙嗜懶世情違請謝風塵客予將事息機

春暮病起

驚心春事又闌珊杜宇啼殘獨倚欄小病恰宜閒裏過
名花強對雨中看出門空袖三年刺當戶誰憐九畹蘭
未許維摩禪頓悟臨風憔悴帶圍寬

朱石甫丈不至吳中十載矣今秋惠蒙見訪書以

誌感

疑似驚看覲面初談深往事淚沾裾十年契闊悲生死
千里間關斷柬書撒瑟安歌悲永隔吳雲越雨恨如何
乙丑夏丈與先君同寓武林丈先歸先君以遇雨致病歸而棄養丈有秋日懷人詩云雲隱亂峯愁雨過病深孤館別君難是時尙未聞先君訃也憐余家業今存幾數篋遺文一敝廬

晉書樂府

天門啟門九重壁上梭化作龍龍高飛凌蒼穹登八門
一未通遭杖擊墮長風決指血灑壁紅紙衰手字成公
遜位歸意從容軍資籍府庫封婆娑子登舟去武昌柳

色猶慈龍

敵騎匝孤城圍急垂不守一聲長嘯倚高樓聞者歛歔
棄園走揮刀欲死賊壘前着鞭恐落祖生後恥讐未雪
遭拘囚恨煞同盟翻覆手

今苟何昔曾閱盡孝道百世準六十猶然孺慕甚恩榮
叨再世祿位尊三公顧獨傾心向典午望塵下拜禮數
恭頻行廢立與密議列名勸進貪天功嗚呼何不移孝
更作忠

擊楫復擊楫辭色何壯烈聞雞夜半奮雄心囊土運糧
著奇節中興恢復半九州摧鋒方擬清羣孽遺黎幸得

免俘囚置酒高歌父老悅朝臣搆亂禍方殷國事日非
心鬱結妖星昨夜見營前力疾繕修猶不輟
大易垂戒治容慢藏公也兼之實速其殃東市車中意
始悟白首同歸願亦償名園淹沒存遺址韻事猶傳詩
酒場年年桃李花空發恨爾無言對夕陽

天王知尊大和尚建廟立宇滋供養羣臣知尊大和尚
金輿扶翼升殿上百姓知尊大和尚所在涕洟莫敢向
聽鈴聞香事預知役龍嘆酒術神奇殿上圖成空歎息
自問年期不可得益中呪出青蓮花不救階前生荆棘
生者能知死死能知生一生一死數術俱精銅杵覆

青甃盛藏金五百待太平入地九尺去壁丈厯厯推測
何分明隱跡洞微故示意撫掌而笑客驚異

過黃鸝坊橋口占

夾岍長橋雁齒齊連宵春雨水平隄年來無恙垂楊色
又聽黃鸝上樹啼

千尺雪

入室步迴廊遙聞琤琮音尋聲度石版峰巒見林陰玉
龍雲際來一落強千尋戲噴萬斛珠飛濺游人襟作勢
赴絕壑流響震深林孤亭傍澗上獨坐面高岑緬昔幽
棲者獨抱考槃心全家擅書畫潔志遺纓簪堂名傳小

宛遺址草痕深石壁題字古斑剝碧苔侵幽人不可作
瀑泉飛至今長松風謾謾懷古起微吟

雨中登寒山大觀臺

高臺起天半岑樓凌蒼靄雲生戶牖間人躡飛鳥背平
疇緣無際羣山列瑣碎峰巒互起伏到茲如奔會湖光
匹練明縱橫渺若帶雨氣忽晦暝山色染深黛雲樹兩
模糊絕類米顛畫俯視石崢嶸危闌半摧敗生平浩蕩
心至此驚倒退

送楊景榮之大梁

黃河幾折繞城來城上風雲夕照開指點征程天際遠

蒼涼離緒柳邊催論交短褐過屠市懷古高吟上吹臺
知爾生平多兀傲漫勞公子御車回

別燕詞

遙計征程幾許長將雛結伴費商量海波漂泊西風冷
祝爾平安到故鄉
情重依依未忍拋歸心細語在花梢故人白屋如無恙
待爾重來認舊巢

宣德彝器歌

吾家珍藏數鼎彝款識猶傳前代遺案頭排列日摩挲
懷占三歎有餘思惟明宣廟御宇日天下方稱郅治時

鑄鼎象物師古帝詔下工部奉頒施尙書臣某呂司禮

某張斌斟酌制度樞成規黃金白金各若干黃金八百金
白金三千六

百金增減輕重隨所宜取精用宏糜物力悉索徵求及外

夷暹羅國洋銅日本國紅銅質蘭國洋錫天方國番礮
砂三佛齊國紫硃坭國紫礮坭國朋脂石琉球

國安範金合土爭鼓鑄百工効職各分司洪鑪特啟造

化秘榮光照燭耀斗箕精靈下鑿百怪泣象形製物搜

神奇雲雷周遭圍饗養百乳參錯蟠龍螭製成上作明

堂供金鐘大鏞相陪隨諸宮殿及各書房
樓閣等處各一件寶器分頒伯

叔國請王府各
賜數十座下逮百官示等差大學士至侍郎都察
院御史各賜一座俱

有等級宇內名山徧賜與更聞恩數及神祇海內有名廟
宇及寺院亦

各賜數計數三千有三百詔令廠臣更益之工部共鑄三千三百六十五件司禮監復鑄數千件當時鄭重天家製几席輝生盛典儀呀嗟金甌有時缺寶物終見千古垂只今流落到人間貴重相傳世共知棠梨臘茶辨色澤購藏奚惜費高貲周鼎商彝世代遠真贗雜出參信疑何如賞鑒及近代拂拭璀璨無微疵位置花南硯北側圖書典籍爭紛披

自題聽雨樓圖

濕雲漠漠壓檐邊春雨聲中人未眠情寄遙洲芳草外愁生午夜落花前避喧願學壺公隱觀局閒從橘裏仙翠竹一庭寒夏玉攬余清夢亦悠然

小樓寂寂暮寒侵
棖惘情懷感慨深
歲月驅人絃上箭
功名斬我芥投鍼
讀書味永嫌宵短
聽鼓聲微帶濕沉
卜築買田何日遂
空山遙寄白雲心

下白雲泉

攬衣尋幽勝精廬
闕虛谷亂石生階除
修廊繚而曲庭廣不盈尋峭壁面茅屋懸嵯雜樹多交覆檐前綠小閣結山腰憑欄試遠矚雲氣化流泉涓涓出山腹鑿池止泉流結屋留雲宿雲泉日容與未肯到塵俗

中白雲泉

亭側闢雙崖上窺天一綫側身入石隙窘步時驚眩偃

樓上危磴巨石忽迎面設疑限仙凡靈境阻人見路轉
豁雙眸崕巔露僧院峰巒爭峭拔竹樹交蔥蒨小坐試
啜茗奇境殊留戀白雲爲客來山中起片片

上白雲泉

巖閣構峰巔高擁石鬼岢疑是飛仙居半被晴雲鎖險
阻絕攀援益歎游人寡巨石傾何年岌石支其下中啟
洞宇幽佛像列安妥老僧懶逢迎自向石間坐下瞰萬
笏峙春煙擁不墮清磬雲外來下逐流泉瀉

登城望西南諸山

美人擁翠鬟招我碧雲間我欲乘黃鶴從之數往還天

風忽吹墮未許出塵寰相望不相卽徘徊意自閒

孫武子祠

卽一榭園故址

祠宇今新建芳園尙儼然樓空容樹入石瘦鑿池穿花
舊吳宮笑名逃魯史傳獨憐王墓近遺址沒荒煙

白芙蓉

憐爾孤芳獨耐看瓊姿端合勝冰紈空江影落秋波淡
小苑香清夜月寒誰集雲裳垂玉佩合栽仙闕護瑤壇
素心已渺天涯隔欲採還愁寄遠難

賣花詞

山塘日日花成市朝掇含英香染指攜籠唱賣向城中

喚醒紅樓初睡起只論新鮮不論錢拈來側插綠雲邊
對鏡流波斜顧影臨風低彈態增妍轉瞬鬢邊憔悴早
人惜花枝不常好花開歲歲復如新花歎紅顏人易老

夜宿龍池山中

山靜羣動息悲風來何自空林樹不靜流響驚夢寐我
生非空桑感此揮雙淚哀哀我父母生我空勞瘁一朝
違色笑終天難追侍古來賢哲徒孝思稱不匱養親以
酒肉顯親以名位我獨非人子撫躬徒增愧松楸鬱以
深萬古閔邱隧夜臺空寂寥何處聞警歎傍徨終宵內
耿耿有餘思何以矢守身庶答罔極意

過王廢基

銷盡繁華往事非百年無恙舊蓬扉荒原寂寞秋風冷
不復深宵有搗衣見明良記
漠漠愁雲壓壘低孤軍援絕急征犖力窮猶效量沙智
一夜城頭徧豕啼

自寒山過華山至賀九嶺

山行不覺遠仄徑半沙磧雲光暗嶂影日色露林隙空
翠撲人來衣裳爲之碧引人時入勝山形轉瞬易繚曲
勢若窮往復境更闢山村不數家居然成窟宅人安耕
鑿天犬吠衣冠客短垣護桑柘白雲隱籬柵山深居四

阻恍與塵世隔嗟予日擾攘蹙蹙意靡適結廬空有願
擇地期隱僻朝咏林霏紅夕吟巖月白託足山之幽請
將謝名迹

羣山互起伏勢若爭夭矯一峰特秀拔高出諸峰表佛
像鑿高崖依稀露林杪古寺紅樹中白雲時繚繞流泉
澗底鳴遠鐘風外杳松徑鬱以深石亭翼然小遙望不
遑登勞心爲之悄筍輿得得來盤紆巖足繞路轉境亦
殊前山更窈窕回首蓮花峰雲外青了了

兩嶺對迢遙雙峰勢峭拔古廟兀相向高欲臨飛闕石
碣樹道旁大書當棒喝山上有石碑書天養人三大字古井水澄清試

飲消煩渴石函儲雙魚魚歷歲靈機活空山風雨飛如聞

聲潑刺山頂有井大旱不涸旁一石盤內刻雙魚入門僧侶稀遠磬聲清越

鳥隨葉下幢龍去雲留益峭壁起高臺攀援絕蘿葛置
身萬山巔更覺胸懷豁煙波渺何處遙山青一抹遙見太湖

雨後坐虎邱山後僧舍

地幽心自靜精舍俯平岡殘雨歇林薄微風生暮涼雲
垂平野闌山入遠天長僧侶知延客清談俗慮忘

玉峰寓中寄內

輕寒薄病奈長宵無那離懷醉後消知爾停鍼應憶遠
疏燈愁聽雨瀟瀟

石曰塢

高嶺隱白雲，仄徑露樹杪。躡雲度峰巔，四圍山若抱。野
桃為誰開，無人花亦好。落紅不自落，滿塢春風掃。古墓
夕陽寒，牛羊卧芳草。不逢采真客，悵望空山杳。

西塘舟中遇雨 至先塋掃墓

篷窗半拓綠楊開，傍听人家畫掩關。別浦帆移煙外樹，
遙天雲沒雨中山。此身甘任鹽車役，羣從迴看玉笋班。
霖霖頻添溪溜急，停橈橋畔聽潺湲。

游徐氏園 園為張燮堂故居

皂莢垂垂蔭滿庭，疏樵映日亦冥冥。浮萍風約空餘綠，

芳草春回依舊青。中有芳草堂籬掩四圍花裏屋，雲遮半角

水邊亭。主人解事招游客，絕勝當時戶畫眉。新數日雨

修廊幾折路逶迤，指點亭臺異往時。障眼今看叢樹去，

當軒忽訝小山移。燕尋舊識飛還徧，花為新栽放較遲。

最憶池荷開滿候，石欄閒倚共吟詩。園中池荷極盛，暑日傍晚每與燮堂

坐橋畔看花

虎邱雜詩

綠柳陰邊暑氣微，衣香鬢影覺依稀。如梭雙槳緣何事，
來往穿波逐燕飛。

名園往迹更徘徊，花外重門傍水開。獨有當年孤塔影，

還隨返照入窗來

贈無逸上人

曲徑沿山麓禪關竹裏敲此間經歲別方外廿年交日
落依雲脚墻低出樹梢買山他日願鄰地擬誅茅

先子居山日盤桓此地曾野蔬朝供飯禪榻夜懸繩攬
勝登雲閣談詩傍佛燈壁間遺石碣讀罷感難勝

壁間有先

君子書吾與
庵記石刻

春初坐雨

驚心節序往來頻獻歲初過又浹旬草閣寒深連日雨
梅花香滯隔年春踏燈結伴重申約蠟屐尋山未了因

寂寞空齋聊獨酌莫教辜負物華新

春初坐雨

水源行盡路三叉酒旆颺風樹影遮茅屋數家新照裏
土墻缺處露梅花

夕陽四詠

春

簷鉤懸處去遲徊樓閣參差晚景開花影橫斜留曲塢
雲光暗淡去平臺美人陌上凭欄望游客林間荷笠回
冷落更誰尋舊巷祇餘雙燕暮歸來

夏

德雨樓詩

天

漸覺空庭暑氣沉半輪猶自挂遙岑罷耕歸路散人影
晚飯全家依樹陰微雨初過雲脚見輕霞還向水邊侵
吟蟬林外聲將歇回首蒼茫暮色深

秋

平沙一抹淡遙天風景蕭條起暮煙垂老重經思遠道
悲秋忽又值離筵馬鳴衰草寒雲外人立空林古戍邊
曾記征途愁日晚空山疏影落吟鞭

冬

幾株禿樹正當門枝上猶留夕照痕薄霽未全消積雪
暮寒若爲護孤村檐頭影沒三竿速鴉背明看數點翻

獨立荒原閒負手有人猶是戀餘暄

食蟹

左手持螯右手酒人生此樂復何有池中千斛恣拍浮
玉質金章嚼滿口和醯擣薑味得兼計時還復論團尖
醉飽沉吟時感觸香橙菊葉手頻拈江干蘆葦秋蕭瑟
郭索深宵沙際出漁人半掩一燈紅籬畔行來剛俯拾
晨起爭來赴市邊滿納筠籠擔壓肩老饕對此食指動
論價不惜青銅錢束縛徒矜螯爪力橫行笑爾何知識
空言取象協黃中漫說有匡盛蠶績昨夜還從水畔過
今看樽俎已調和害生憶得東坡語風味當筵奈爾何

聖下不言
玉階怨
怕見春歸去朝朝下翠幃落花如有意故傍玉階飛
隔院夜飛聲簾前星斗橫翻憐歌舞地不見月華明

哀鴻篇

哀鴻終夜鳴似訴斷行悲嗷嗷復嗷嗷感我涕漣洏維
爾甫成童家室遭衰微遷徙迄無定世途歷險夷十四
喪吾父艱苦歎無依攜爾就學賈出入相追隨二十喪
吾母敝廬始言歸拮据營殯葬剜肉補創痍勉期成
家廿四始結襦炊臼旋入夢寂寞空房帷安仁既悼亡
咄咄歎數奇縱言賦命薄速遭奚至斯弟素善子平之術常自歎賦命

縱薄不勉為子嗣計續膠已遲遲方喜琴瑟和謂可借
意至此老期何竟暮未及一病隨傾危二豎入膏肓不起已自
知執手語牀前後事屬維持我悲不可道強顏為爾啜
調養應得痊勿用自猜疑寂寂空禱神紛紛徒延鑿迢
迢夜正長惻惻摧心脾易簣在旦夕無復望生機汝婦
過悲切臨蓐月未彌明知預死別抱痛先生離揮淚為
余言嗚咽不成詞生男幸撫育一綫延宗支不幸若生
女我生亦何為昊天何不弔冀雄復得雌此際益傷惶
兩命危一時陰風西北至愁雲慘不開鬼火閃空房聚
泣有餘哀不孝更不友罪戾難挽回有弟失保護致遭

短命災撫膺一長慟天地爲低徊回想平生歡一一猶
可追居恒一室中顏色常怡怡練達處世情老成共見
推自奉甘儉約志豈紛華移吾行多過失爾時恒相規
吾性多拘牽爾動合機宜謂爾貌當天爾貌獨豐頤謂
爾行當天爾行極和慈天道既難問人事空咨嗟熒熒
歎孤寡何以慰號啼昔我一詩成爾見記不遺今我作
是詩爾其還知之夜臺哭不聞負痛當告誰魂兮應戀
我時望夢中來

春草閒房懷金耿庵

屋宇不甚宏敞而尙修整庭廣纔數弓初無花

木之勝明窗四拓遠隔囂塵古巷人稀過者望
而知其爲隱君子廬郭匏雅曾居之今亦易主
矣
肥遁識先幾明志甘淡泊耿耿夜不寐憂思誰堪託鐵
幹寫堅貞古香發疏萼春來草復青伊人不可作

二株園懷徐貫時

園中荒涼特甚敗屋十餘椽僦而居者鱗次也
欹壁當風頰檻零雨池上約略猶存問所謂二
株者剪伐不知幾何年矣

翩翩佳公子閱世悲滄桑翫麟花柳間流連文酒場金

錢揮手盡吟興老益狂兄夷弟則惠異轍同舍藏

暮雲廬懷王忘庵

廬在怡老堂之旁小池環其左雉堞繞其右穴垣而啟門焉諒非昔日觀也窗軒臨水連屬名園想其託興閒吟揮毫染素不啻摩詰之在輞川也

怡老有名園青緗雲初守曲室藏圖書臨流開軒牖吟餘寄逸興寫生推妙手花鳥煥精神絕品甌香偶

秀野草堂懷顧俠君

堂之前爲顧氏世居入則由堂之後積水橫門

傾橋支石中爲工人造作所婦稚雜坐其間旁則支牀作竈幾難容足階下亂石零星頽垣塌地半沒荒草寒煙際矣

愛客啟華堂豪興何縱橫連朝設詩陣卜夜賭酒兵樓託多名流林下淡宦情如何翰墨場爨煙繞丹楹

姑蘇竹枝詞

十首存三

姑蘇臺下草萋萋越來溪畔水平隄猶是吳宮舊時月深宵還照宿鳥啼

半篙新漲雨初收六柱船爭放碧流一自錦帆人去後百花依舊發前洲

山珍海錯市同登爭說居奇價倍增獨羨深宵風雨裏
有人還對讀書燈

書瘞鶴銘後

仙禽去塵網墨寶墮龍窟雷擊更濤衝石質亦破裂零
星水際存鋒穎間殘缺聞昔摹搨時經營頗竭蹶寒冬
水既落山足乃見石攜具駕輕舸偃僂循險窄摩挲跡
僅存艱難力亦竭神物不終秘精英忽奮發好古長沙
公波底資搜索人力恐未遑神靈助恍惚一旦出水中
樹立整斷碣茲誰留舊本題跋證在昔或謂顧況書或
謂右軍迹或謂丹陽尉或謂陶貞白辨識徒紛紜證據

少精覈誰歟好事流珍禽恣惋惜製詞何淒清運筆最

超越神奇現龍爪

山谷評世謂右軍有龍爪書此殆是

高潔具仙骨縱橫

露戈鋌宛轉出波磔墨走筆欲飛行間光奕奕鸞鳳嗟

漂泊寥廓將安適

銘文天其未遂吾寥廓耶

姓字姑勿論翰墨實超

絕一字等兼金片紙重玉帛遺石千載存珍重逾常格

爲我語山靈守護無或忽

渡江由新河至龍潭

風帆剪江行掀播逐浪卷循岍行逶迤羣山列蜿蜒
崩關小港幽差覺舟安穩風盪水紋生波鬢沙痕淺茅屋
隱短籬秋蔬植畦畎不識路層折前望帆屢轉柳翠列

若屏葦綠平如剪牛行登隴高鷺立臨波淺名山望裏
遙雙髻雲中辨攝山頂有古樹遠望若雙髻殘雨別浦移斷霞長天
晚來日大江行詩情應更遠

勞勞亭

芳草庭前路天涯望裏遙別離今古恨同此一魂銷跋
涉山兼水輪蹄暮復朝春風多事甚又綠柳千條

金陵懷古

四首存二

凌霄三閣峙千尋歌舞深宵酒滿斟座上吟成賡孔範
并邊縛急怨韓擒歌傳商女愁中聽月照青溪影半沉
故址莫言江令宅段侯第已草痕侵

干戈四鎮角獵貅燕雀君臣莫展籌政府相公工度曲
南都天子本無愁青宮漂泊寃誰問故劍沉淪怨好迷
三氣鍾山銷鑠盡黍離何事起悲謳

重有感

漫道先人世業存那堪賣宅已題門啁啾忍聽倉中雀
搖落愁看砌下萱圭竇忽經穿粉壁危樓猶自傍庭垣
他時重過西州路掩淚忍將往事論天吳深淵負
薄宦浮沉奔走勤天涯踪跡最憐君鵑冠好聚驚流俗
雁羽飄零歎斷羣荒驛風淒愁捧檄空機月冷泣回文
白頭親盼音書斷游子曾經望白雲

回首當年百事非
炎涼漫說世情違
爲雲作雨翻旋覆
轉綠迴黃裏易衣
荆樹飄搖花盡落
竹林蕭索鳥分飛
倚閭他日勞懸望
何處還從陌上歸
塵網簾櫳障碧紗
窗前猶見舊桃花
天吳紫鳳眞顛倒
走馬彈箏自狹斜
祓禊記曾遺翠羽
檣蒲還喜鬪紅牙
劉郎去後難重到
爲我當筵酒再賒

三吳郡廟西首
謝文翰齋刻印

久聞吾宗有遠梅先生
吳中詩人也惜余宦游四方未
及修士相見之禮此冊爲令子
藹士所作志和音雅守唐賢之
正宗觀此可以知其家學矣嘗
見近世詩人好矜奇而炫異或
臚陳典故滿紙以夸其腹笥之
富或吐棄一切故爲可解不可
解之語以鳴其高曾不思嚴滄
浪之論詩也曰詩有別才非關
學也詩有別趣非關理也彼喜
爲英雄欺人之語者與古風人
之旨相去遠矣如此詩清才妙
旨一往有真性情在其中是可以
砭時俗之膏肓矣八十老人韞玉
跋

聽雨樓詩

跋

俗之齊言矣八十孝人歸王題

賦此精書本效言一卦言真卦辭亦其中景何以受却
 出好喜為英華烘人之語香與古風人之言財去戲矣
 取之論籍出曰籍言限本非關學也籍言限戲非關聖
 棄一以姑為可稱不何稱之語以勉其高曾不思蠟翁
 得帝而效異短劇刺典姑蘇勝以夸其真信之富短也
 萬寶之五宗勝此可以厭其寒學矣嘗見後世籍人我
 父也士時良之豔此冊誠合于萬士也利志味音難在
 人間吾宗育鼓蘇我主吳中籍人出計余道幾四衣未

